



# Skul Grant Program


Stamba tingting bihaen long skul grant program we Ministri blong Edukesen mo Trening i developem hem i blong mekem edukesen mo trening i open long evriwan, katem daon hevi long ol perens blong faenem mani blong sendem pikinini i go long skul, mo blong mekem kwaliti blong tijing mo lanem samting i kam antap.

## Skul grant blong wan yia

Ol skul blong Gavman mo Gavman asisted skul oli kasem ol grant ia.

	<b>Eli Jaelhud Edukesen Grant (4 - 5 yia)</b>	9,000VT / studen
	<b>Praemari Skul Grant (Yia 1 kasem 6)</b>	8,900VT / studen
	<b>Sekentri Skul Grant (Yia 7 kasem 14)</b>	8,125VT / studen
	<b>Sekentri Skul Tuisen Fi Subsidi (Yia 7 kasem 10)</b>	42,000VT / studen

## Oli pem skul grant tri taem long wan yia:



## Ekstra wan-taem grant long 2021

Folem COVID-19 mo TC Harold, Gavman blong Ostrelia mo Global Patnasip blong Edukesen i sapotem Ministri blong Edukesen mo Trening blong provaedem ekstra fanding blong ol skul grant i go long ol skul blong Gavman mo Gavman asisted skul.

	<b>Vanuatu Ostrelia Skul Komuniti Grant blong Praemari Skul (Yia 1 kasem 6)</b> <i>Blong kasem moa infomesen plis ridim wanem we i stap long skul notis bod o long websaet blong Ministri (<a href="https://moet.gov.vu/index.php?id=grant-funding">https://moet.gov.vu/index.php?id=grant-funding</a>).</i>	5,780VT / studen
	<b>Global Patnasip blong Edukesen Grant blong Praemari Skul (Yia 1 kasem 6)</b>	393VT / studen
	<b>Kontribusen i go long Boding Fi (Yia 7 kasem 13/14)</b>	
	<b>Sekentri Skul Tuisen Fi Subsidi (Yia 11 kasem 13/14)</b>	42,000VT / studen
	<b>Eksam Fi (Yia 12 kasem 13/14)</b>	

## Olsem wanem blong yusum skul grant?

Ol skul grant hemi blong yusum long ol samting we bae benefit i go stret long ol studen.

Plis ridim 'Grant Code' dokumen we yu save faenem long ofis blong Prinsipol o long websaet blong Ministri (<https://moet.gov.vu/index.php?id=school-performance-improvement>).


## Pat we skul komuniti i plei insaed long Skul Imprumen Plan (SIP) mo skul badjet

- Blong developem SIP mo skul badjet, Prinsipol mo Skul Kaonsel i mas miting mo diskasem.
- SIP mo skul badjet i save apruv nomo afta we Skul Kaonsel mo skul komuniti we i minim ol perens, tija mo studen, oli agri long hem.

## Wanem nao ol samting we skul i mas ripot long hem?

- Ol faenansel ripot blong evri yia (wetem ol grant we ol dona patna i fandum), ol SIP mo ol skul ripot i mas kasem Provinsel Edukesen Ofis bifo 28 Februari evri yia.  
Ol ripot mo plan:
  - Skul Kaonsel i mas apruvum
  - I mas pas long Skul Komuniti long bigfala jenerol miting blong yia
- Evri skul i mas apdetem evri infomesen long Open VEMIS bifo 31 Maj evri yia.
- Ol faenesel ripot blong evri manis mo yia we Skul Kaonsel i apruvum i mas apdet long Open VEMIS o i mas kasem Provinsel Edukesen Ofis mo oli mas pinim wan kopi long skul notis bod long evri manis.
- Skul i mas printim setifiket blong skul grant mo pinim long skul notis bod olsem ya Skul Komuniti i save rid abaot ol grant we skul i kasem.

## Wok tugeta long SIP mo skul badjet



Blong kasem moa infomesen abaot skul grant, kontaktem Prinsipol o Provinsel Edukesen Ofis (PEO):

Telefon namba: MALAMPA: 33885 PENAMA: 33990 SANMA: 33800 SHEFA: 33490 TAFEA: 33910 TORBA: 33950

